



La suprastanza reelegida: Frank Schuler, Barbara Hirsbrunner, Andreas Thöny (da san.). MAD

Cleras decisiuns en il Cussegl grond evangelic

■ (rtr) Il Cussegl grond evangelic dal Grischun ha approvà duas fusiuns da plaivs reformadas: La Corporaziun evangelica Ardez-Ftan-Guarda e la fusiun da Zernez/Brail, Susch e Lavin a la Corporaziun evangelica da Zernez. Pli navant han ils preschents reelegì la suprastanza dal cussegl da la baselgia *Andreas Thöny, Barbara Hirsbrunner e Frank Schuler*. «Las finanzas èn en urden» ha ditg il cusseglier da la baselgia evangelica reformada dal Grischun e deputà dal cussegl grond, *Christoph Jaag*, ed ha preschentà in quint equilibrà. Tar ina svieu-ta dad 11,5 milliuns francs ha la baselgia evangelica dal Grischun fatg in gudogn

da 34 000 francs. Ina viva discussiun hai dà en connex cun ina proposta da *Fred Schütz* che vul reglar a moda pli flexibla l'obligatori da domicil dals commembers da suprastanza d'ina plaiv. Suenter plirs votums, per gronda part da represchentan-tants da la plaiv evangelica da Cuira, ha il parlament decidì cun 61 cunter sis vuschs e quatter abstenziuns da suandar la proposta da Schuler. Lez ha ditg ch'i saja da tractar il tema, quai dentant en connex cun la revisiun da la constituziun che stat avant porta. Quai che pertutgia Cuira e l'elecziun dispitaivla da la presidenta da plaiv *Carmen Dasoli-Peter* saja da spetgar la decisiun da la cumissiun da recurs.